

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- गृहमंत्री अमित शाह होर अज्ज भारतपोल पोर्टल दी शुरूआत करने जा'रदे न जेह्दे नै अंतराष्ट्रीय स्तर पर अपराधें कन्नै निबड़ने च इंटरपोल दी मदद कन्नै सखाल होग।
- रेलवे सुरक्षा आयुक्त होर अज्ज ते कल उधमपुर श्रीनगर बारामुला रेल लिंक परियोजना दे "कटड़ा कोला लेइयै रियासी तोड़ी दे हिस्से" दी वैधानिक जांच अजमैश दा निरीक्षण करगंन।
- माज कल्याण मंत्री सकीना इत्तू होरें दक्खनी कश्मीर दे बर्फबारी प्रभावत जिलें दा दौरा करियै उत्थें बर्फू कन्नै पैदा हालात कन्नै निबड़ने ते जरूरी चीजें बस्तें दी दस्तयाबी बारे सलाह सूत्र कीता।
- जम्मू कश्मीर राष्ट्रीय जीनैली सड़क, गडिडएं दी दऊं तरफा आओजाई लेई खुल्ली ऐ। जिसलै जे मुगल रोड, ते किश्तवाड़ सिंथन अनंतनाग आली सड़क अजें बी बंद ऐ।
- स्कावश च भारत दी अनाहत सिंह नै 17एं ब'रे कोला हेठली उमरी दी कुड़िएं दा अिटिश जूनियर ओपन खिताब जित्ती लैता ऐ।

<><><><><><>

HM-Bharatpol

गृहमंत्री अमित शाह होर अज्ज नमीं दिल्ली च सीबीआई आस्सेआ तैआर कीते गेदे "भारतपोल पोर्टल" दी शुरूआत करगंन। एह पोर्टल इंटरपोल राएं अंतराष्ट्रीय मदद दी गुलारिश आले मामले च कारवाइएं गी सखल्ला बनाग। एह्दे च इंटरपोल आस्सेआ जारी रैड नोटिसें ते होरने रंगें आले नोटिसें कन्नै सरबंद तमामले शामिल न। गृह मंत्रालय नै इक ब्यानै च आखेआ ऐ जे प्रधानमंत्री नरेन्द्र मोदी हुंदे नेतृत्व च केन्द्र सरकार नै मुख्य दी कनून नाफिज करने आली अजेंसिएं गी मजबूत बनाने लेई महत्वपूर्ण गैह पुटिटियां न। भारतपोल पोर्टल कन्नै भारतीय जांच अजेंसिएं दी वैश्विक पुज्ज बंदोग ते अंतराष्ट्रीय स्तर पर पुलस दी मदद सखल्ली होई जाग।

बक्ख—बक्ख मुल्खें दे बधदे अपराधें गी घट्ट करने लेई जिंदे च साइबर क्राइम, माली नुकसान ते संगठित अपराध शामिल न। सीबीआई दे भारतपोल पोर्टल तैआर कीता ऐ तां जे सब्बने मुत्तलका धड़ें गी इक्कै मंच पर आंदा जाई सकै।

<><><><><><>

Railway Inspection

रेल सुरक्षा आयुक्त होर अज्ज ते 8 जनवरी गी महत्वकांक्षी उधमपुर—श्रीनगर बारामूला रेल लिंक परियोजनां दा वैधानिक निरीक्षण करंगन ते एहदे पर होने आहली अजमैशें गी दिक्खंगन। एहदे बाद आयुक्त होरें इस बारै अपनी रिपोर्ट जमा करांगन जेदे मगरा गै सिद्धे कश्मीर घाटी तोहड़ी रेल सेवा शुरू करने बारे कोई मुकदा फैसला कीता जाग। एहदे शा पैहले अतरुं शनिवारें बी रेलवे आसेआ इस परियोजना दा कटड़ा कोला लेइयै बनिहाल तोडी दे पूरे हिस्से पर अजमैश दे तौरा पर ट्रायल रन कीता गेआ हा।

<><><><><><>

Dy CM-Gurpurab

उपमुख्यमंत्री सुरिन्द्र चौधरी होरें कल श्री गुरु गोविंद सिंह जी हुंदे 358में प्रकाश उत्सव दे तौके पर नौशेहरे च आयोजित कार्यक्रम च हिस्सा लैता, त्थ टेकेआ ते सब्बने लेई सलामती, तरक्की ते खुशहाली लेई प्रार्थना कीती। मगरा उनें कस्बे दा चक्कर लाइयै उत्थें जारी विकास कम्में दा बी मुआयना कीता। उपमुख्यमंत्री होरें नौशेहरा मुंसिपल कमेटी आस्सेआ बस अड्डे च गड्डियां खडेरने लेई बनाई जा'रदी पार्किंग बवस्था दा बी निरीक्षण कीता। इस परियोजना गी 4 करोड़ 75 लक्ख रपे दी लागत कन्नै तोड़ चाढ़ेआ जा करदा ऐ। सुरिन्द्र चौधरी होरें कम्में गी तोड़ चाढ़ा'रदी अजेंसी गी ताकीद कीती जे मयार कन्नै बिजन कोर्ट समझौता कीते दे कम्में दी रफ्तार च तेजी आंदी जा तां जे इस परियोजना च मित्थे गेदे समें दे अंदर—अंदर तोड़ चाढ़ना जकीनी बनी सकै।

<><><><><><>

Satish Vaishnav

लम्हू कश्मीर दे ट्रांसपोर्ट, युवा मामले ते खेड़्डें दे मंत्री सतीश शर्मा होरें कल केन्द्रीय मंत्री अश्विनी वैष्णव हुंदे कन्नै मलाटी कीती ते रेलवे, सूचना प्रौद्योगिकी ते सरबंधे खेत्तरें दे केई जरूरी मामले पर बचार बमर्श कीता। समीश शर्मा होरें जम्हू कश्मीर दे पूरे पराते विकास च केन्द्र सरकार दे समर्थन दी सराहना कीती।

इस मौके पर उन्हें कई विकास सरबन्धी मामलों पर गल्लबात कीती, जिंदे च जम्मू थमां पुंछ जाने आली रेलवे लांगन। बारामुला थमां उड़ी ते कुपवाड़ा तगर रेलवे लाइनें दा विस्तार ते जम्मू ते श्रीनगर च आईटी कारपोरेट पार्क दे बारे च गल्लबात शामिल ऐ। इनें पार्क कन्नै त्हारा बद्धे सिखलाई प्राप्त आईटी प्रोफेशन लेई रोजगार दे मौके पैदा होंगन।

<><><><><><>

ADGP Jammu

जम्मू दे एडीजीपी आनंद जैन होरें जम्मू जिले च अपराधें दी समीक्षा सरबन्धी इक बैठक दी अध्यक्षता कीती। इस बैठक च जम्मू कठुआ सांबा रेंज दे डीआईजी शिव कुमार शर्मा, एसएसनी जम्मू जोगिन्द्र सिंह ते होरनें वरिष्ठ अधिकारी शामिल होए। इस मौके पर एडीजीपी होरें नशीले पदार्थों दी तस्करी, बन्ने पारा गतिविधिएं ते संगठित अपराधें बारे व्यापक जायजा लैता। उन्हें न्याय जकीनी बनाने लेई समें पर जांच करने पर जोर पाया ते अधिकारिं गी निर्देश दित्ते जे परतियै परतियै अपराध करने आलें बारे डाटाबेस बनाइयै रखन। इस मौके पर सीमा चौकिं पर चौकसी बधानाख खुफिया जानकारी सांझा करने आले तंत्र दी मजबूती तौर ते समुदाय च भरोसे गी जकीनी बनाने पर व्यापक बचार बमर्श कीता गेआ। अधिकारिं गी निर्देश दित्ता गेआ जे ओह राष्ट्र विरोधी गतिविधिं दा मकाबला करन ते कारवाइं ते सबूत किट्ठा करने च पेश आवा'रदी चुनौतिं दा पता लान। एह्दे अलावा एडीजीपी होरें जांच सरबन्धी दक्षता च बेह्तरी आनने, पारदर्शिता ते संवेदनशील मामले कन्नै निबड़ने बारे दिशा निर्देश बी जारी कीते।

<><><><><><>

RRB

रेलवे च खाली पेदिं 1 ज्हार 36 असामिं गी पुर करने लेई दरखास्तां मंगियां न। आकाशवाणी दे जम्मू संवाददाता नै जानकारी दित्ती ऐ जे बक्ख-बक्ख श्रेणिं लेई दरखास्त जमा कराने दी खीरी तरीक 6 फरवरी 2025 रखी गई ऐ। मेदवारें गी दरखास्तां ऑनलाइन जमा करानियां होंगन। कोविड-19 महामारी गी ध्यानै च रखदे होई रेलवे नै उमर दी उप्परली हद च 3 ब'रे दी छूट दित्ती ऐ जेह्ड़ी छड़ी इक्कै बारी लेई लागू होग।

<><><><><><>

Health Minister

समाज कल्याण, सेह ते मैडिकल शिक्षा मंत्री सकीना इत्तू होरें कल दक्खनी कश्मीर दे अनंतनाग, कुलगाम, पुलवामा ते शोपिया जिलें दा व्यापक दौरा लाया ते उत्थें हालिया बर्फबारी दे बाद दी स्थिति दी समीक्षा कीती। उनें हर इक जिला मुख्यालय च बक्खरे बक्खरे बैठकां लाइयै जिले च बर्फ कारण पेदे असर, जरूरी चीजें बस्तें दी दस्तयाबी, बिजली-पानी दे सप्लाई ते होरने विषयें पर तफसीली सोच बचार करने दे बाद जिला प्रशासन गी निर्देश दित्ता ते आम जनता गी कुसै दिक्कत परेशानी दा सामना नेई करना पवै, इस गल्लै दा चेचा ध्यान रखेआ जा। उनें सड़के परा बर्फ हटाने ते होरने कम्में च बी तेजी आहनने पर जोर दित्ता।

<><><><><><>

Highway

जम्मू श्रीनगर राष्ट्रीय जरनैली शिड़क पर दौनें बक्खी थमां गड्डिङ्ग दी आओजाई लेई खुल्ली ऐ। उआं लोकें गी इतलाह दित्ती गेई ऐ जे ओह राष्ट्रीय जरनैली शिड़क एनएच-44 पर सड़कें दी स्थिति बारे जानकारी हासल करने परैत गै सफर कीन। तोआई शिड़क पर बर्फ किट्ठी होने करी किश्तवाड़-सिंथन अनंतनाग शिड़क ते श्रीनगर सोनामर्ग गुमारी शिड़क अजें बी बंद ऐ। राजौरी पुंछ गी कश्मीर घाटी कन्नै जोड़ने आली एतिहासक मुगल रोड बी बर्फ किट्ठर होने करी बंद पेदी ऐ।

<><><><><><>

DC Poonch

पुंछ दे जिला विकास कमीशनर विकास कुंडल होरें कल पुंछ कस्बे ते कमसर च जलशक्ति पानी सप्लाई स्टेशन दा व्यापक निरीक्षण कीता ते दिखेआ जे किश चाल्ली कन्नै लोकें दे घरें तगर पीने आली साफ सुथरा पानी पजाने दा सरिस्ता कीता गेदा ऐ। इस दरान डीसी होरें पानी दे टैंकें, सप्लाई पैपें दी स्थिति गी बी दिक्खेआ। एह्दे अलावा पानी दे मयार गी जकीनी बनाने लेई जांच लबाट्री दे कम्मकाज दा मुआयना बी कीता ते जलशक्ति दे अधिकारिणें गी चेचे तौरा पर आखेआ जे पानी दी स्पच्छता ते मयार दा चेचा ध्यान रखेआ जा।

<><><><><><>

ADDC -MGNREGA

राजौरी दे जिला विकास कमीशनर अभिषेक शर्मा हुंदे निर्देश पर कारवाई करदे होई अतिरिक्त जिला विकास कमीशनर डॉ. राजकुमार थापा होरें कल जिले दे पंजगाईं ब्लाक दे बक्ख-बक्ख हिस्से च एम.लर.नरेगाख स्वस्थ योजना ते होर केई कार्यक्रमें दी समीक्षा कीती। डॉ. थापा होरें केई निर्माण कम्में दा बी निरीक्षण कीता ते जोर देइयै आखेआ कम्मै दे मयार कन्नै कोई समझौता नेई कीता जा।

एडीडीसी होर केन्द्र ते प्रदेश दिएं स्कीमें तैहत् जारी कम्में गी तोड़ चाढ़ा'रदिएं अर्जेसिएं गी कम्में दी रफतार च तेजी आहन्नने लेई आखेआ तां जे इनेंगी मित्थे गेदे समें दे अंदर—अंदर गै तोड़ चाढ़ेआ जाई सकै। मगरा उनें ब्लाक मुख्यालय पंजग्राई च इक बैठक दी अध्यक्षता करदे होई जारी कम्में दी ठोस ते माली उपलब्धिएं दी समीक्षा बी कीती।

<><><><><><>

Squash

ब्रिटिश जूनियर ओपन स्काश प्रतियोगिता च भारत दी अनाहत सिंह नै फाइनल मकाबला जित्तिथै खिताब अपने नां करी लैता ऐ। 17एं ब'रे कोला हेठली उमरी दी कुड़िएं दे इक्कले खिताब लेई 16एं ब'रे दी अनाहत सिंह होरें इंग्लैंड दे ब्रिमिंघन च जंदी रातीं मिस्र दियां मलिका एल. कारसकी गी 3—1 कन्नै हराई दित्ता। अनाहत होरें 4—11, 11—9, 6—11, 11—5 ते 11—3 दे स्कोर कन्नै खताबी मकाबला जित्तेआ ऐ। एह् अनाहत हुंदा त्रीआ ब्रिटिश जूनियर ओपन टाइटल ऐ। एह्दे शा पैहले उनें 2019 च अंडर—11 दे वर्ग च जित्त हासल कीती ह ीते 2023 च अंडर—15 वर्ग च जित्त हासल कीती ही। अनाहत सिंह होरें पिछले ब'रे 9 पीएसए चैलेंजर खिताब जित्ते हे जेह्ड़े दुनिया च कुसै बी महिला कोला सब्बने शा मते न।

<><><><><><>